



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

XCVI. Praeceptum Karoli Calvi pro Dodone vasso Otgerij.

urn:nbn:de:hbz:466:1-22974

Sancte Simphoriane. Ora.	Sancte Paule. Ora.	Agne Dei qui tollis peccata mundi. Parce nobis Domine.
Sancte Luciane. Ora.	Sancte Antoni. Ora.	Agne Dei qui tollis peccata mundi. Dona nobis pacem.
Sancte Urbane. Ora.	Sancte Pauline. Ora.	Agne Dei qui tollis peccata mundi. Misere nobis.
Sancte Projecte. Ora.	Sancte Severine. Ora.	Christe audi nos. Christe audi nos. Christe audi nos.
Sancte Vite. Ora.	Omnes sancti confessorum. Orate.	Kyrie eleison. Christe eleison. Kyrie eleison.
Omnes sancti martyres. Orate.	Sancta Felicitas. Ora.	Pater noster. Et ne nos inducas.
Sancte Hilari. Ora.	Sancta Perpetua. Ora.	Ego dixi. Domine miserere mei. Sana animam meam, quia peccavi tibi.
Sancte Martine. Ora.	Sancta Petronilla. Ora.	Domine exaudi orationem meam, & clamor meus ad te veniat.
Sancte Benedicte. Ora.	Sancta Tecla. Ora.	Miserere mei Deus.
Sancte Gregori. Ora.	Sancta Agata. Ora.	
Sancte Ambrosii. Ora.	Sancta Agnes. Ora.	
Sancte Augustine. Ora.	Sancta Cecilia. Ora.	
Sancte Hieronime. Ora.	Sancta Lucia. Ora.	
Sancte Leo. Ora.	Sancta Anaesthesia. Ora.	
Sancte Medarde. Ora.	Sancta Scolastica. Ora.	
Sancte Germane. Ora.	Sancta Eufemia. Ora.	
Sancte Remigi. Ora.	Sancta Genovefa. Ora.	
Sancte Fortunate. Ora.	Sancta Radegundis. Ora.	
Sancte Florenti. Ora.	Sancta Gertrudis. Ora.	
Sancte Columbane. Ora.	Sancta Eulalia. Ora.	
Sancte Chlodoolde. Ora.	Sancta Leuchadia. Ora.	
Sancte Amande. Ora.	Sancta Brigida. Ora.	
Sancte Vedaste. Ora.	Sancta Aldegundis. Ora.	
Sancte Arnulfe. Ora.	Sancta Medrisma. Ora.	
Sancte Landeberte. Ora.	Sancta Eugenia. Ora.	
Sancte Audoene. Ora.	Sancta Columba. Ora.	
Sancte Eligi. Ora.	Sancta Iuliana. Ora.	
Sancte Sulpici. Ora.	Sancta Iulitta. Ora.	
	Sancta Baltridis. Ora.	
	Sancta Praxedis. Ora.	
	Sancta Savina. Ora.	
Omnes sancte virgines Dei. Orate pro nobis.		
Omnes sancti. Orate pro nobis.		
Propitius esto. Parce nobis Domine.		
Propitius esto. Libera nos Domine.		
Ab omni malo. Libera nos Domine.		
Per crucem tuam. Libera nos Domine.		
Peccatores. Te rogamus audi nos.		
Vt pacem nobis dones. Te rogamus audi nos.		
Vt Apostolicum nostrum in sancta religione conservare digneris. Te rogamus.		
Vt mihi Karolo a te Regi coronato vitam & prosperitatem atque victoriam dones. Te rogo audi me.		
Vt Hirmindrudim conjugem nostram conservare digneris. Te rogamus audi nos.		
Vt nos ad gaudia aeterna perducere digneris. Te rogamus audi nos.		
Vt liberos nostros conservare digneris. Te rogamus.		
Vt sanitatem nobis dones. Te rogamus.		
Vt compunctionem cordis nobis dones. Te rogamus.		
Vt fontem lacrimarum nobis dones. Te rogamus.		
Vt spatium penitentiae nobis dones. Te rogamus.		
Vt remissionem omnium peccatorum nostrorum nobis dones. Te rogamus.		
Vt animabus parentum nostrorum requiem aeternam dones. Te rogamus.		
Vt cunctum populum Christianum conservare digneris. Te rogamus.		
Fili Dei. Te rogamus audi nos. Ter.		

XCVI.

Præceptum Karoli Calvi pro Dodone vasso Orgerij.

IN nomine sanctæ & individue Trinitatis. Karolus Dei gratia Rex. Regalis celsitudinis moris est donis multiplicibus fideles suos & honoribus ingentibus honorare atque sublimare. Proinde morem parentum Regum videlicet prædecessorum nostrorum sequentes, libuit celsitudini nostræ cuidam fideli nostro Dodone vasso Orgeri fidelis nostri de quibusdam rebus nostræ proprietatis honorare atque in ipsius jus ac potestate conferte. Idcirco noverit experientia atque industria omnium fidelium nostrorum tam præsentium quam & futurorum quia concedimus memorato fideli nostro Dodoni vasso prædicti fidelis nostri Orgerij quosdam res juris nostri sitas infra Septimanæ regnum in pago Ruffilionense, id est, villulam quæ vocatur Prunetus cum suo villare Domnolino, vel cum omnibus eorum appendiciis. Seu etiam & concedimus ei alium villarem cujus vocabulum est villare Mansaldi, cum finibus suis. His verò prædictis villulis cum eorum adjacentiis huic fideli nostro prædicto Dodoni ad perpetuum per hanc nostræ largitionis constitutionem concedimus & de nostro jure in jus ac potestatem illius pro solemnitate transferimus, ita videlicet ut quicquid ab hodierno die & tempore ex prædictis villulis exinde pro sua utilitate atque commoditate jure proprietario facere decreverit, liberam ac firmissimam in omnibus habeat potestatem faciendi, tam donandi quam vendendi, seu commutandi, necnon etiam suis heredibus relinquendi. Et ut hæc nostræ largitionis atque donationis auctoritas perpetuam obtineat firmitatem, manu propria subter eam firmavimus, & anuli nostri impressione adsignari iussimus.

An. 869.
Ex archivo
S. Petri
Rondani in
diocesi Go-
randensi.

Signum

Signum Karoli gloriosissimi Regis.
Alno ad vicem ligilgerio recognovit.
Data 11. Kal. Martij anno xxix. Indictione
vii. regnante Karolo gloriosissimo Rege.
Actum monasterio sancti Dionysij in Dei no-
mine feliciter. Amen.

XCVII.

*Præceptum Karoli Imperatoris de Ecclesia
que est in villa Iuffiaca.*

An. 869.
Ex chartu-
lario S. Ar-
nulfii Me-
tensis.

IN nomine sanctæ & individue Trinitatis, Karolus gratia Dei Rex. Quicquid pro amore Dei sanctorumque reverentia agimus, profuturum nobis ad presentis vite curricula securus transienda & ad futuræ beatitudinis præmia felicitatis obtinenda non dubitamus. Comperiat ergo omnium fide-
lium sanctæ Dei Ecclesiæ nostrorumque presentium ac futurorum sollicitia quia ob Dei & sancti Arnulphi præcipui confessoris atque Pontificis amorem & honorem libuit celsitudini nostræ, ad deprecationem carissimi nobis filij nostri Karolomanni reverendi Abbatis, quandam capellam in pago Moslensi in villa Iuffiaca in honorem sancti Hilarij confessoris fundatam & dedicatam cum suis appendicibus cunctisque sibi pertinentibus rebus & mancipiis Ecclesiæ præfati sancti Arnulphi ad luminaria inibi continuanda & vinum sacrificio ministrandum pro nostrorum absolutione peccaminum largiri & largiendo eam habendam & canonicè ordinandam confirmare. Vnde hoc altitudinis nostræ præceptum fieri eidemque sancto loco dari iussimus, per quod præfatam capellam cum domibus, ædificiis, curtisibus, viridariis, hortis, vineis, terris, silvis, pratis, piscuis, aquis aquarumve decuribus, mancipiis utriusque sexus desuper commanentibus vel ad eandem capellam justè & legaliter pertinentibus plenèque integritate eidem Ecclesiæ perpetim habendam & canonicè ordinandam largimur, delegamus, & confirmamus, ita ut nulli rectorum ipsius monasterij liceat ex eisdem rebus quicquam subtrahere aut minuere aut in alios præter quos constituimus usus retorquere; quatenus Canonici ipsius monasterij liberius devotiusque pro nobis, conjuge, & prole totiusque regni nostri statu continuèque precibus Dei misericordiam implorarent. Vt autem hujus nostræ largitionis auctoritas inviolabilem obtineat firmitatem, manu propria signavimus, & anuli nostri impressione sigillari iussimus. Data v. Idum Septembrium Indictione ii. anno xxx. regnante Karolo gloriosissimo Rege, & primo in successione regni Clotarij. Actum Metis civitate in Dei nomine feliciter. Amen.

XCVIII.

*Notitia iudicij pro monasterio sancti Andree
Exalatenfis in diocesi Helenensi.*

An. 869.
Ex char-
tulario mo-
nasterij
Cuxanen-
sis.

IN iudicio Salomonis Comitis, Eldefindo Vicecomite, & de iudices qui iussi sunt causas audire, ditimere, vel iudicare, id est, Tra-

sebado, Ermemiro, Abfalon, Longobardo, Berane, Galindone iudicum, & in presentia Vuiliemundo Presbytero, Vvalatico Presbytero, Vviterico, Suniatio, Vvanzane, Suniario, Fredenando, Sanfon, Dodone, & Gintile faione, vel aliorum plurimorum bonorum hominum qui in ipso iudicio residebant, veniens homo nomine Ricofindus, quique mandatarius Salomon Comiti, causas perquirete vel mallare, unde & dicens: Audite me cum isto mandato de Vvitzane Abbate & Protasio Presbytero, qui ipsas cartas accepit de ipsum alode de villa Canavellas & Trefvallos & Vvencias de Anna & Eldeberto Abbate, & eas protulit in iudicio, qualiter tenet in ipsis supradictis locis, casalibus, vineis, terris, hortos, & arbores, qui debet esse de beneficio seniori nostro. Tunc ipsi iudices ad ipsum mandatario nomine Vvardina dixerunt: Quid ad hæc respondes? Et ille dixit: Ego omnia ista teneo per isto mandato cuius vocem prosequor per cartas legibus factas quas fecit Anna & Eldebertus Abba cum monachis suis, & ad illos fecit Rotrades pro elemosyna, & illud aliud dimisit filie sue Annæ, & illa fecit carta faciente Protasio ad domum sancti Andree elemosynarum. Iterum prædicti iudices Recofindo Misso Comitis dixerunt: Potes habere testes aut scripturas aut ullum indicium veritatis unde legibus convincere possis ut per triginta annos quieto ordine fuisset beneficius, & proprius non debuisset esse de ista Anna aut de matre sua Rotrade aut avio suo Berane Comite aut in isto aut in alio aut in tertio placito. Et ille Recofindus in suo responso dixit: Non possum habere quod dicitis nulloque tempore. Tunc ipsi iudices interrogaverunt ipsum mandatario canobio sancti Andree si potuisset adsumere vocem datoris & firmare legibus cum testimoniis ipsas cartas & ipsum alodem ut infra istos triginta annos aut supra legibus aut quietè tenuisset aut possessores fuissent Anna aut matre sua Rotrades qui istas cartas donationis elemosynarum fecerunt ad sanctum Stephanum vel sancto Andree ex voce avi vel patri suo Berane. Et ille respondit: Sic possum habere tale testimonia quomodo Bera Comes habuit ipsum alodem ex comparatione vel alode parentorum suorum & quietè possedit & dimisit filia sua Rotrade, & Rotrades quietè tenuit per triginta annis & supra & quietè dimisit filie sue Annæ vel Eldeberto Abbate pro carta donationis per legis ordine. Vnde sic dedit iste Vvardina mandatarius vel Protasius Presbyter tale testimonia qui iuraverunt ad seria conditione sicut superius scriptum est. Iterum prædicti iudices Recofindo mandato Salomonis Comitis dixerunt: Fac citò exvacuationem sicut superius responsum dedisti. Sic me exvacuo ego Recofindus ab interrogazione iudicum quod non possum diffamare ipsos testes & ipsas scripturas, nec testes ampliores nec meliores ut legibus convincere possim ut beneficius debeat esse nec per scripturas nec per nullum indicium veritatis nec in isto placito nec in alio nec nulloque tempore, & hæc mea exvacuatio vera est, quod negare possum in vestro supradicto iudicio. Facta exvacuatione sub die xv. Kalendas Septembris anno xxxviii. regnante Karolo Rege. Recofindus subscripsi & feci. Fredemundus

B B b b b